

Թապալտական ազդակներ անհրաժեշտ են դարձրել նրա ստեղծումը: Մի երկիր, որը չի կերակրում եւ որին պէտք է կերակրել: Դէպքեր, որոնք մնում են անհասկանալի, ձգտումներ, որոնք տնտեսապէս պատճառաբանուած չեն: Մոխիր: Pulvis est: Եւ այդ մոխիրի վրայ երկու Fiat-ներ ուրիշի դրամով դրնուած, չորս կօօպերատիվ, մի քիչ բամպակ եւ մի քիչ ծխախոտ. խանութպանի հոգեբանութիւն, փաշայի բռնակալութիւն եւ հազարաւոր բրօշուրներ, դեկրետներ, թղթեր, պաշտօնեաներ, որոշումներ, ճառեր, ճառեր, ճառեր... Մեր հին բեթիմի վաճառականները աւելի հետեւողական էին, աւելի տրամաբանական իրենց նեղմիտ նիւթապաշտութեան մէջ: Մանուֆակտուրան տանում էին մեծ շուկայ...

— Ուստի՞ ...

— Ուստի Հայաստանը շուկայ չէ: Հայաստանը դադարաւոր է, հոգեկան իրականութիւն, խորհրդապաշտական անհրաժեշտութիւն: Նա աւելի խոր է քան առարկայական պայմանները, աւելի տեւական, քան պատմական անցքերը եւ քաղաքական իրադարձութիւնները: Հայաստանը՝ Արմէնիա՝ մոխիրների տակ թաղնուած, դրսից աննշարելի, մշտնջենական կրակն է. հողերի տակ խուլօրէն դրդող աղբիւրը, մի խօսքով, իր արտայայտութեան ձեւը դեռ չգտած տարօրինակ եւ մեծաշունչ սօսման է: Սեւան, Ախթամար, Էջմիածին, ուրիշ անուններ եւս, թաղնուած էութիւններ են, բոցավառ շունչ են, շեփոթող անյայտ...

— Վաղը առաւօտ, ժամը 6-ին:

— Սեւան:

— Սեւան:

— Իշանութեան նախագահի տունը: Ուրեմն...

— Իշխա՞նի...

Շինարար՝ Իշխանի...

— Չմոռանաք:

— Եւ դարունը լոյսերով դրահաւորուած արծաթէ իր սուրերը զարնում է ժայռերին:

— Երկիրը հայոց բոց է...

— Յը՛...

— Ճերմակ...

* * *

Երբ տեղ հասայ, նկարիչը արդէն դրան մօտ կանգնած էր: Երկնքի լայնօրէն բացուած կապտաւուն հովահարի տակ, փողոցը զսպել էր իր լուսթիւնը, մինչ պարտէզների պատերից դմբուխտ էր հոսում: Արդեօ՞ք ուշացանք: Աւելի շուտ չափազանց կանուխ էր. ինքնաշարժերը չէին եկել. տան փեղկերը դեռ գոց էին:

Լա՛ւ են լուսաբացի ճանապարհորդութիւնները. բնութիւնը ճօճում է սրտերի մէջ եւ ամէն մի քայլ նոր բացուած մի պատուհան է: Ու լաւ է սպասել ցանկացած վայրերի անյայտ այցելութեան, որովհետեւ ի՞նչ են այդ վայրերը, եթէ ոչ վերջիչումներ, հեռաւոր անցեալում տեսած պատկերներ, հոգեկան խոր անորոշում կառուցուած գոյութիւններ:

Նկարիչը մտահոգ է եւ տրտում: Հայաստանի դաշտանկարը վրձինի տակ երբեք է անհանգիստ վիշապի նման: Գոյները բռնկում են. կտաւի վրայ գծերը փուլ են գալիս եւ բրնտթեան ճարտարապետական ձեւը անծայր շղարչների տակ խոյս է տալիս եւ անհետանում է: Անկարելի է մասնաւորել: Նկարուած մի անկիւնը, տունը, ծառը, աղբիւրը, տարօրինակ կերպով փոքրանում է, աղքատանում, նսեմանում՝ «ձեռքի միջից փախչում է»: Բրնտկանը նկարի մէջ աշակերտական փորձի բրնոյթ է առնում. բաց նամակի, դունաւորուած լուսանկարի աժան գեղեցկութիւն է դառնում: Ուստի, փնտրում է գոյնը գոյնի համար. միամիտօրէն շարուած պտուղներ՝ թաւշեայ բոցերի նման. չինական, բուխար եւ պարսկական երփներանգ կտաւներ ճափոնական դիմակների շուրջը նետուած, եւ կամ, անկարելի համադրութիւններ՝ ներքնապէս ճիշդ, արտաքնապէս արտաւոց՝ լեռների եւ ձորերի: Խորամանկ միամտութիւն:

Նկարիչը հեշտասէր է: Արեւելեան ձեւով՝ մսերը շօշափել, գոյնը զգալ, մետաքսը ձեռքի մէջ տրորել, մարմինները փաթթել լուսնային երազանքի մէջ, բուրումների մակերեսային դողը զգալ, մութ լազուար արատի առջեւ երկարօրէն կանգ առնել եւ ստնգական սուտակի մօտ տառապել: Մինչ հայ դաշտանկարը կարծր է, գրեթէ կոպիտ, խակ եւ արեւային: Անկարելի է մօտենայլ:

Եւ որովհետեւ Նորքի լանջքից բոցավառ-